

Morning Dogri (NSD) Bulletin 16-07-2025

आकाशवाणी

1. विदेश मंत्री डॉ. एस जयशंकर होरें आखेआ ऐ जे भारत लगातार कोशश करदा रौहग जे पहलगाम आतंकी हमले दे दोशियें गी सजा मिले ते पीड़ितें गी न्याय मिले।
2. भारत नै बांगलादेश गी मशहूर फिल्म निर्माता सत्याजीत राय दी पुष्टैनी संपत्ति गी नेई ढाहने लेई आग्रह कीता ऐ।
3. UIDAI नै माता-पिताएं गी 7 जां ओहदे शा बद्द बरेसू आहले बच्चें दी बायोमेट्रिक जरूर करवाने लेई आखेआ ऐ।
4. रूस दे विदेश मंत्री सरगेई लाक्रोव होरें ट्रम्प आसेआ लाए जाने आहले टैरिफ दी धमकी गी खारिज करी दिता ऐ।
5. मौसम विभाग नै बिहार, राजस्थान ते जम्मू-कश्मीर सने केई राज्यें च भारी थमां मती भारी बरखा बरने दी पेशनगोई कीती ऐ।
6. भारती महिला हॉकी टीम दी forward खडारी दीपिका नै एफ.आई.एफ हॉकी प्रो. लीग च विश्व दी शीर्ष टीम नीदरलैंड पर शानदार फील्ड गोल आस्तै बरें 2024-25 दा पोलीग्रास मैजिक स्किल पुरस्कार हासिल कीता ऐ।

<><><><><><>

EAM-SCO

बदेश मंत्री डॉक्टर सुब्रह्मण्यहम जयशंकर होरें आखेआ ऐ जे पहलगाम आतंकी हमला, जम्मू-कश्मीर दी सैलसफा सरबंधी अर्थबवस्था गी जोफ पुजाने ते धर्म दी बिनाह उप्पर तनोतनी पैदा करने लेई जानी-बूझियै कराया गेआ हा। कल संझां चीन दे तियानजिन च शंघाई सैहयोग संगठन परिषद गी संबोधित करदे होई डॉक्टर जयशंकर होरें आतंकवाद, अलगाववाद ते उग्रवाद गी बिंद बर्दाश्त नेई करने दी नीति अपनाने दा आहवान कीता। संयुक्त राष्ट्र सुरक्षा परिषद

आसेआ पहलगाम आतंकी हमले दी सख्त निंदेआ दा जिक्र करदे होई बदेश मंत्री होरें आखेआ जे भारत पहलगाम आतंकी हमले दे दोषियें गी न्यास दे दायरे हेठ आहने दी कोशश बरोबर जारी रक्खोग। डाक्टर जयशंकर होरें शंघाई सैहयोग संगठन गी आखेआ जे ओह आतंकवाद, अलगाववाद ते अतवादा दे खलाफ ठोस गैहीं पुट्टे कीजे इंदे कन्ने इलाकाई रमानदारी, स्थिरता ते आर्थिक तरक्की लेई सिद्धे तौर पर खतरा पैदा हुंदा ऐ।

<><><><><><>

Dhaka-Property

भारत नै बांगलादेश गी मशहूर फिल्म निर्माता सत्याजीत राय दी ढाका च पुश्तैनी संपत्ति गी ढाहने दे फैसले उप्पर परतिये विचार करने लेई आखेआ ऐ। भारत नै इस सांस्कृतिक धरोहर गी सांभिये रखने लेई मदद करने दा बी प्रस्ताव दिता ऐ। मैमनसिंह जिला च स्थित इस ऐतिहासिक इमारत गी ढाहने दे फैसले गी गंभीर मुद्दा दस्सदे होई भारत नै आखेआ ऐ जे इसी दौने देशे दी सांस्कृतिक विरासत दे प्रतीक दे तौरा पर इक संग्रहालय च बदली देना चाइदा ऐ। इस परानी ते ऐतिहासिक इमारत गी ढाहने दी खबरें दे बदा विदेश मंत्रालय दी एह प्रतिक्रिया आई ऐ।

<><><><><><>

UIDAI

भारती विशिष्ट पहचान प्राधिकरण (UIDAI) नै लोके गी 7 बरे दी बरेसू जा उन्दे शा बड्डी बरेसू दे बच्चे दा बायोमीट्रिक जरूर करोआने दा आग्रह कीता ऐ। UIDAI नै आखेआ जे जेडे बच्चे 7 साल दी बरेसू दे न ते उने अपना आधार च बायोमीट्रिक नेई करोआए दा ऐ ओह तौले थमां तौले करोआन। इलेक्ट्रानिक ते सूचना प्रौद्योगिकी मंत्रालय नै आखेआ ऐ जे वर्तमान दिशा-निर्देशे मताबक 5 बरे जा ओहदे शा घट्ट बरे दे बच्चे दी औंगलिये दी छाप ते आई स्कैन दी जरूरत नेई ऐ।

<><><><><><>

Indian-Embassy Iran

ईरान च भारती दूतावास नै भारती नागरिकें गी ईरान दी गैर जरूरी जातरा नेई करने लेई आखेआ ऐ। एह एडवाइजरी ईरान च बधदी सुरक्षा सरबन्धी चेंताएं गी लेइयै जारी कीती गई ऐ। भारती दूतावास नै इक सोशल मीडिया पोस्ट च ईरान दी जातरा करने कोला पैहले उत्थुआं दी स्थिति पर नजर रखने ते भारती प्राधिकरण आसेआ जारी एडवाजरी उप्पर ध्यान देने लेई आखेआ ऐ।

<><><><><><>

Amarnath-Yatra

सख्त सुरक्षा बंदोबस्तें हेठ अज्ज जम्मू दे भगवती नगर आधार शिविर थमां 6 ज्हार 64 अमरनाथ श्रद्धालुएं द 15मां जत्था कश्मीर घाटी लेई रवाना होआ। कुल 234 लौहकी-बड्डी गड्डिएं दे काफिले च रवाना होए दे इस जत्थे च 4 ज्हार 422 मर्द, 1 ज्हार 511 महिलां, 16 बच्चे, 102 साधु ते 13 साध्वियां शामिल न। इंदे चा 2 ज्हार 471 श्रद्धालु बालटाल लेई जिसलै के 3 ज्हार 593 पहलगाम आधार शिविर लेई रवाना होए न।

<><><><><><>

AI-Day

मुल्खै च अज्ज आर्टिफिशल इंटेलीजेंस सराहना दिवस मनाया जा करदा ऐ। एह ध्याड़ा दुनिया च ए.आई क्षेत्र च भारी दी बढदी भूमिका दे उपलक्ष्य च मनाया जंदा ऐ। बैंगलुरु ते हैदराबाद जनेह तकनीकी केंद्रें थवां लेइयै ग्रामीण क्षेत्रें तगर ए.आई सेहत सेवा, शिक्षा, कृषि, शासन ते उद्योग च बदलाव आहन्ना करदी ऐ। सरकार दा सारें आस्तै ए.आई ते ए.आई आस्तै राश्ट्री रणनीति दा मकसद ए.आई दे इस्तेमाल थवां ना छड़ा आर्थिक विकास, सगुआं जीवन गी बेहतर बनाने, समावेशिता यकीनी करने ते बरोबरी गी बढ़ावा देना बी ऐ।

<><><><><><>

Russia-Trump

रूस दे विदेश मंत्री सरगेई लावरोव होरें रूस ते उसदे सहयोगियें उप्पर 100 फीसदी आयात शुल्क लाने दी अमरीका दे राश्ट्रपति डोनाल्ड ट्रम्प दी धमी गी खारिज करी दिता ऐ। उनें आखेआ ऐ जे उंदा देश इयो नै प्रतिबंधें दा सामना

करने लेई तैयार ऐ। चीन दे तियानजिन च शंघाई सहयोग संगठनें दी बैठक मगरा इक प्रेस कांफ्रेंस च बोलदे होई श्री लावरोव हों आखेआ जे रूस पैहले थमां गै केई कड़े प्रतिबंधें दा सामना करा'रदा ऐ ते ओह इस नमे प्रतिबंधें दी चनौती कन्ने बी निब्बड़ी लैग।

<><><><><><>

IMD

मौसम विभाग नै बिहार, तटीय कर्नाटक, मध्य प्रदेश, राजस्थान, उत्तर प्रदेश, जम्मू ते कश्मीर, लद्दाख ते झारखंड च अज्ज भारी थमां मती भारी बरखा पौने दी पेशनगोई कीती ऐ। अगले 2-3 दिनें च ओडिशा, पंजाब, उप-हिमालयाई, पच्छिम बंगाल, सिक्किम, तमिल नाडू, पुदुचेरी ते उत्तराखंड च भारी बरखा पौने दी मेद दस्सी ऐ।

<><><><><><>

Hockey-Award

भारती महिला हॉकी टीम दी forward खडारी दीपिका नै एफ.आई.एच हॉकी प्रो. लीग विश्व दी शीर्ष टीम नीदरलैंड पर शनदार फील्ड गोल आस्तै बरे 2024-25 दा पोलीग्रास मैजिक स्किल पुरस्कार हासिल कीता ऐ। एह पुरस्कार हॉकी च व्यक्तिगत कौशल आस्तै दिता जंदा ऐ। दीपिका नै फरवरी च प्रो. लीग दे भुवनेश्वर चरण दौरान नीदरलैंड कन्ने मैच दे 35में मिनट च खब्बे पासेआ लगातार ड्रिबल करियै विपक्षी टीम दी रक्षा पंक्ति गी चकमा दिंदे होई कुशलता कन्ने कोण थमां गोल करिए अपनी टीम गी 2-2 कन्ने बरोबरी पर लेई आंदा हा। मगरा भारत नै एह मैच कलिंगा स्टेडियम च शूटआउट राएं जितेआ हा।

<><><><><><>

Cricket

क्रिकेट च भारती महिला टीम अज्ज इक दिवसीय अंतरराष्ट्री क्रिकेट श्रृंखला तैहत इंग्लैंड खिलाफ मैच खेडोग। त्रै मैचें दी एह श्रृंखला अज्जै थमां शुरू होआ'रदी ऐ। एह मैच रोस बाउल इंग्लैंड च होग। भारती समें मूजब एह मैच संझा साइडे 5 बजे शुरू होग। एह श्रृंखला इस बरे दे अखीर च भारत च होने

आहले इक दिवसीय महिला क्रिकेट विश्व कप आस्तै भारत दी तैयारियें दी शुरुआत ऐ। भारत नै हाल च इंग्लैंड च पैहली बारी टी-20 श्रृंखला जित्ती ऐ। हरमनप्रीत कौर दी अगुवाई च भारत नै इंग्लैंड गी 5 मैचें दी टी-20 श्रृंखला च 3-2 कन्नै हराया हा।

<><><><><><>

Badminton

भारत दे शीर्ष बैडमिंटन खडारी अज्ज टोक्यो च जपान ओपन सुपर 750 प्रतियोगिता च अपने अभियान दी शुरुआत करडन। इनें खडारिएं च पी.वी सिंधू, लक्ष्यसेन ते मर्दे दी डबल्स जोड़ी च सात्विक साईराज, रंकीरेड्डी ते चिराग शेटी शामिल हे। सात्विक ते चिराग इस प्रतियोगिता च भारत दी अगुवाई करडन। उन्दी जोड़ी इसलै दुनिया दी 15में नंबर दी जोड़ी ऐ। उंदा मुकाबला कोरिया दे कांग मिन ह्यूक ते कि डोंग जू कन्नै होग।

<><><><><><>